



18. maj 2011

Inatsisartut suleriaasianni § 37 naapertorlugu Naalackersuisunut apeqquq imaattoq matumuuna saqqummiuppara:

Naalackersuisunut apeqquq:

Aqutsisoqarfik Uummannami qalerallitassat suna imaluunniit suut tunngavilersuutit aalajangiisuutillugit aqutsisoqarfinnut allanut sanilliullugit ikinnerutinneqarpat?

(Inatsisartuni ilasortaq, Karl Lyberth Siumut)

Tunngavilersuut:

Aqutsisoqarfik Uummannaq qaleraleqarfik annertoorejussuuvoq, qaleralinniarfiillu annertupput amerlallutillu. Taamaakkaluartoq qalerallit pisassiissutigineqartartut Ilulissani Upernavimmilu pisassanut sanilliullugit ikinnerupput, tamannalu eqqumiiginalaanngitsuunngimmat paaserusunarpoq suna imaluunniit suut tunngavilersuutit aalajangiisuutillugit pisassiissutigineqartut amerlassusii aalajangerneqartarsimanersut?

Paasitinneqarnera malillugu Uummannap eqqaani qaleraleqassuseq pimoorullugu misissorneqar-nikuusimanngilaq, taamaattumik paasiuminaappoq Uummannap eqqaani qalerallitassat taamatut ikitsigitinneqarneri.